

# BOITHUTO BA BIBELE I

## Lenaneo-Thuto

Notes

—

### THUTO EA #1:

- I. Karolo ea #1: Baf 1:1,2
- II. Karolo ea #2: Baf 1:3-11

### THUTO EA #2:

- III. Karolo ea #3: Baf 1:12-26

### THUTO EA #3:

- III. Karolo ea #3. (Nts'etso-pele.): Baf 1:12-26
- IV. Karolo ea #4: Baf 1:27-2:18

### THUTO EA #4:

- IV. Karolo ea #4. (Nts'etso-pele.)

### THUTO EA #5:

- IV. Karolo ea #4. (Nts'etso-pele.)

# BOITHUTO BA BIBELE I

## Notes

### Boithuto ba Bibe le I: Tlhahlobo

Lithuto tsa “Boithuto bo Batsi ba tse kahare ho Bibe le”, ha li na litlhahlobo joaloka lithuto tse ling. Hantle-ntle, nako ea litlhahlobo, e sebelisoa ho etsa “Boithuto ba Bibe le.”

Thuto ena ea pele ea “Ts’ebeliso ea Boithuto ba Bibe le”, e tsoelapele ho shabana haholo le litemoho tse malebana le se ngoliloeng, le lipotso tse hlahisang botoloki le tsona li ea hlokoa. Moithuti o fua seratsoana ka Bibeleng, e be o sebelisa nako ea litlhahlobo ho ithuta ka botebo seratsoana seo, ‘me a hahe maikutlo a hae malebana le seo a se hlokomelang seratsoaneng. Moithuti a ka a ba le litlhokomelo tse nagata ho ea kamoo nako e molumellang ka teng, empa o lokela ho nehelana ka tse leshome tsa bohlokoa-hlokoa. Litlhokomelo tsena tse Leshome, li ts’oauoa le ho beheloa limaraka ho ipapisitsoe le bohlokoa, botebo, ho hlaka, jj.

# BOITHUTO BA BIBELE I

## Selelekela sa Thuto:

Notes

### **Motheo: Selelekela sa Boithuto ba Bibe.**

Mona ke thuto ea pele ea lithuto tsa Ts'ebeliso ea Boithuto ba Bibe, e latelang thuto ea selelekela. Karolo ena e ipapisitse le lintho tseo re ileng ra ithuta selelekeleng.

Re tla sebelisa kutloisiso ea mathomo ea Boithuto ba Bibe ho ithuta buka ea Bafilipi. Re se re entse litemoho bukeng ea Bafilipi, 'me re se re fane ka selelekela sa buka eo.

### **Tlhphiso ea Thuto ena.**

Re tla ithuta **Bafilipi 1:1-2:18**. Re tla arola Thuto ena likarolo tse 'ne ho latela likarolo tse robeli tsa buka ena tseo re li entseng thutong ea Selelekela.

Karolo ka ngoe e tla kenyeletsa lintlha tse hlano:

- 1) Selelekela se sekhuts'oane.
- 2) Boithuto ba Lentsoe (re sebelisa 'Boithuto ba Wuest ba Lentsoe-leng' le lithutsa thuto tse ling tsa Sekherike).
- 3) Re ithute tlhophiseho le khaeho (hona ho tla kenyeletsa ts'ebetso e tla re thusa ho tloha temohong ho ea botoloking ho ea kamahanyong ho ea phethahatsong).
- 4) Lethathamo la tlhophiseho le khaeho (Re tla akaretsa thello le kamano e pakeng tsa likarolo le likaroloana).
- 5) Qetello (hona ho tla kenyeletsa polelo e le ngoe e akaretsang serapa sohle, le ntlha-kholo ka mantsoe a mararo kapa a mane a ts'oereng moelelo oohle oa serapa).

\*\*\*Hlokomela: Re tla sebelisa Bibe ea Sesotho, re boele re ipapise le ea phetolelo ea New American Standard boithutong ba rona.

# BOITHUTO BA BIBELE I

Notes —

## I. Karolo #1 (Baf 1:1,2).

A. **Selelekela sa Karolo ea #1.** Hangata Paulosi o qala mangolo a hae ka tsela e amohelang ho ba bangata.

1. Boitsebiso ba moromeli/sengoli (tem. 1a).
2. Lebitso la baamoheli (tem. 1b).
3. Tumeliso (tem. 2).

## B. Boithuto ba Lentsoe-leng Karolong ea #1.

1. Bahalaleli (tem. 1) – le bolela ***bakhethoa*** (makhetlong a 62 ao lentsoe lena le sebelisitsoeng Testamenteng e Ncha, makhetlo a 61, le sebelisitsoe le bonts'a bongata.).
2. Balebeli (tem. 1) – le bolela bishopo (moalosi/mohlokomeli); Testamenteng e Ncha, lentsoe lena le ts'oana le molisa/moalosi le moholo (hape, hlokomela hore le sebelisitsoe ho bonts'a bongata).
3. Khotso (tem. 2) – le bolela ho ba le kutloano le kamano e ntle le Molimo.

## C. Boithuto ba Khaeho le Tlhphiseho Karolong ea #1.

1. Temoho/Botoloki/Kamahanyo.
  - a. Temoho le Botoloki.
    - 1) Lebitso 'Jesu Krete' le phetoa ha raro litemaneng tse peli. Ho tloha qalehong, ke eena khubu ea buka.
    - 2) Paulosi o inka e le mohlanka (lekhoba).
      - a) Ha itlhahisi e le “Paulosi, mothehi oa kereke ea lona” kapa e le “Paulosi, moapostola ea matla, ea tummeng”.
      - b) Paulosi o phetse bophelo ba bokhoba ho Krete hobane a ne a inka e le lekhoba.

# BOITHUTO BA BIBELE I

b. Kamahanyo.

- 1) Uena u ipona le ho itlhahisa o le mang? A na u ipona o le lekhoba la Jesu? Kapa u ipona o le mohiruo? Kapa u ipona o le mpoli? Kapa u ipona o le moithaopi oa nakoana?
- 2) Lekhoba ha le ea lebella ho amohela letho, kapa ho fumana letho. Mong'a lona o laola bophelo ba lona (lekhoba). Na hoo ho khahlanong le boitlhaloso ba hau? Na u lekhoba?

Notes

—

**D. Lethathamo la lintlha tsa Khaeho le Tlhophiseho Karolong ea #1**  
(boemong bona, sheba thuto ea selelekela).

**E. Qetello ea Karolo ea #1.**

1. Polelo e akaretsang. Paulosi o ngolletse Bafilipi, 'me o qalile ka tumeliso.
2. Ntlha-kholo. Baamoheli le Tumeliso.

## II. Karolo ea #2 (Baf 1:3-11).

**A. Selelekela.** Re boetse re bona tloaelo ea Paulosi mangolong a hae.

1. Thapelo le teboho ka baka la ho amohela evangeli ha babali ba hae (qalong ea mangolo a hae). sheba: Bar 1:8; 1 Bakr 1:4; Bak 1:3; 1 Bathes 1:2; 2 Bathes 1:3; 2 Tim 1:3; Filimone 4.
2. Paulosi o ne a nahana ka thapelo pele.

**B. Boithuto ba Lentsoe-leng Karolong ea #2.**

1. Ho kopanela (tem. 5) – hona ho bolela koinonia; ho ba karolo ea sepheo se le seng. Mong le mong o nka karolo (mona e ka Paulosi o ipapisitse haholo le lehlakore la lichelete: sheba 4:15).
2. O tla o phetha (tem. 6) – ho bolela ho etsa ka botlalo; ho e phethahatsa joalokaha ho lebeletsoe. Ho phetha sepheo. Hona ho kenyeletsa ts'ebetso e isang motho phethehong (elahloko khothatso ea Paulosi e tlang hamorao 2:12, 13 hona ke ts'ebeliso ea thuto ena).

# BOITHUTO BA BIBELE I

## Notes —

3. Ba nang le kabelo (vs. 7) – e bolela ho arolelana; ea arolelanang ho hong le ba bang. Le mona lentsoe la Sekherike ke “koinonia.” Kereke ke ‘mele. E hlorigoa le ho hlola hammoho. Bokreste ha se tumelo ea bo-mong ke lelapa la Molimo (Bala 1 Bakr 12:26).
4. Leratong la (vs. 8) – e bolela motlotlopo oa; hona ke lentsoe la Sekherike le bonts’ang kutloelo-bohloko. Hlokomela: ha se motlotlopo oa Paulosi, empa ke oa Krete. Paulosi o ne a na le kamano e tebileng le Krete hoo a neng a na le boikutlo ba Krete ka batho ba bang. O ne a na le boikutlo bona bakeng sa Bafilipi ka baka feela la hobane Krete a phela ka ho eena (Bag 2:20).
5. Tsebo ea ‘nete (tem. 9) – e bolela kutloisiso e tletseng, e phethehileng.
6. Kutloisiso eohle (vs. 9) – ho boleloa tlhalohanyo ea ho lokile le ho sa lokang; kelo-hloko; tlhokomelo. Mantsoe ana a mabeli a temaneng ea 9, a supa tlhoko ea boitsebelo ba letsatsi ka leng ba bophelo. Hape, re bona maikutlo a likhato tse tsoelang-pele. Lerato la ‘nete le hloka kholo le kakofo (1 Bathes 3:12; 4:10; 2 Bathes 1:3).
7. Le ntse le tletse (tem. 11) – hona ho bonts’a bokhale. e bonts’a boemo ba bophetheho. Hona ho re hopotsa temana ea 6, “ho phetha” kapa “ho etsa ho itseng ka botlalo.” hona ho re fa leseli la ho ithuta tlhophiseho kapa khaeho ea karolo ena.

# BOITHUTO BA BIBELE I

## C. Boithuto ba Khaeho le Tlhphiseho Karolong ea #2.

### 1. Temoho/Botoloki/Kamahanyo.

#### a. Temoho le Botoloki.

1) Re ka arola karolo ena linoko tse peli; senoko sa pele, se hlalosa le ho otlolla senoko sa pele.

a) Paulosi o bolella balumeli hore o oa barapella (tem. 3-8).

b) Paulosi o ba bolella hore na o ba rapella eng (tem. 9-11).

2) Taba ea pele ke hore, Paulosi o re o ba rapella ka:

a) Liteboho (tem. 3).

b) Thabo (tem. 4).

#### Potso ea Botoloki

Ke mabapi le eng Paulosi a rapelang ka liteboho le ka thabo?

3) Paulosi o na le teboho le thabo **MABAPI LE** (tem. 5) lintho tse peli:

a) Seabo sa bona (tem. 5): Paulosi ha se moetapele ea ratang ho etsa lintho tsohle, e ba o tima ba bang monyetla oa ho etsa ho hong. O leboha Molimo ka nyakallo ka bona. Ebile, seabo sa bona, ke sepheo sa Paulosi.

b) Tumelo ea hae ho Molimo (tem. 6): Paulosi ha se moetapele ea ratang ho tsamaisa tsohle e le hore a tle a utloe e ka o fihletse tsohle. Ka ts'epo ea hae ho Molimo hore Molimo o tla phetha seo a se qalileng, Paulosi oa leboha ebile o oa thaba, ho ena le ho belaela le ho ts'aba.

#### Potso ea Botoloki

Paulosi o khona joang ho ba le tumelo ee?

Notes

—

# BOITHUTO BA BIBELE I

Notes —

4) Temaneng ea 7, Paulosi o re, ho lokile ha a ikutloa joalo ka sa bona. **KA BAKA LA:**

a) Tsotello le qenehelo eo a nang le eona bakeng sa bona (tem. 7).

b) Lerato la hae ho bona (tem. 8).

(1) Ho tlohella lintho liatleng tsa Molimo le ho mots'epela botlallo le bophetheho ba mosebetsi, ha ho bolele hore u lokela ho lebala le ho khaohana le sohle sa mosebetsi oo.

## Mohlala oa Sengoli:

Ho tlohela lintho matsohong a Molimo, **ha ho ts'oane** le ho tlohela le ho khaohana le kharebe ea khale hobane o so o fumane e ncha, joale o batla ho lebala ka kharebe ea pele ho hang: ho tlohela lintho ho Molimo ho **ts'oana** le ho lokolla bana. Motsoali e mong le e mong o lokela ho etsa hona ha nako e fihla. Ke ntho e bohloko. 'Me hona ho etsa hore motsoali a be le tlholohelo e kholo. Leha ho le joalo, hona ho etsoa **molemong** oa mgoana.

## Etsa mohlala oa hau:



# BOITHUTO BA BIBELE I

(2) Ho tlohela mosebetsi ho Molimo le ho Mots'epela ho o phetha, ha ho bolele ho lahla kapa ho khaohana le mosebetsi oo. Tumelo ho Molimo, ha e bolele hore rona ha ho seo re ka se etsang. Tumelo mokhoa eona, e re supisa le ho re etellapele ts'ebetsong. Tumelo ea Paulosi ho seo Molimo a tla se etsa (le seo a se etsang) ho Bafilipi, e ipapisa le seo Molimo a se etsang (le seo a tla se etsa) ho eena. Kahoo, kholiseho ea Paulosi (e leng tumelo ea hae), ke hore Molimo o sebetsa kahare le ho tsotella Bafilipi, 'me hoo ke sesupo sa *tsotello* le *boikutlo* ba Jesu ka Bafilipi, e leng lintho tse sebetsang ka ho Paulosi. Paulosi ke karolo ea se etsahalang ho Bafilipi. Tumelo ea hae ha e ea arohana le mosebetsi ea hae (e leng mosebetsi ea Jesu ka ho eena—ho na ke thuto ea lefiso). Paulosi ke lefiso leo lerato la Jesu le bonts'oang. Kahoo, tumelo e ho Molimo temaneng tsa 7, 8 joalo feela kaha e le ho Molimo temaneng ea 6.

Notes —

## b. Kamahanyo.

- 1) Na u etsa lintho le Bakreste ba bang, kapa u etsa lintho o le mong? Hape, na u khothaletsa le ho lumella ba bang ho nka karolo? Na u na le thahasello le cheseho ea ho bona ba bang ba hola, ba beha litholoana ebile ba atleha mosebetsing oa Molimo? Kapa u thabela lekunutung ha motho e mong a oela kapa nako eo a kopanang le liqholotso mosebetsing?
- 2) Na u ko tlohellele ba bang mosebetsi? Na u ko fe ba bang maikarabello le matla a ts'ebetso e be u ts'epela Molimo bophetheho ba tsohle? Na u leka ho ts'oarella linthong e le hore o ikutloe o na le taolo ea tsohle?

## 2. Temoho/Botoloki/Kamahanyo.

### a. Temoho le Botoloki.

- 1) Taba ea bobeli ke hore, Paulosi o ba bolella hore na o ba rapella **ENG**. O rapella hore lerato la bona le eketsehe kamehla (tem. 9).

**Potso ea Botoloki**

Hobaneng lerato la Bafilipi le lokela ho eketseha?

# BOITHUTO BA BIBELE I

Notes —

## 2) E le hore (tem. 10):

- a) Ba tle ba be le 'nete (ba hloeke, ba se tsoakanye letho).
- b) Ba hloke sepha (ba se khoptjoe).
- c) Ba tle ba lokele ho khutla ha Krete.

### Potso ea Botoloki

Lerato la Bafilipi le holang joang?

## 3) Le ntse le (tem. 11):

- a) Tletse (bokhale bo bonts'a bophetheho le botlalo ba ho itseng) litholoana tsa (lihlahisoa kapa se behoang ke) ho loka (kamano e nepahetseng le Molimo). Hona ke oona mokhoa oo lerato le holang ka oona. Lerato le eketsoa ke ho tlala ka litholoana tsa ho ba kamanong le Molimo. Kamano (lerato) le ba bang, e ntlafatsoa ke kamano (lerato) le Molimo (sheba 1 Johan 4:19).
- b) Ka Jesu Krete. Hona ke mohloli kapa moetsi oa keketsheho. O re fa bokhoni ba ho ba le kamano e nepahetseng le Molimo.
- c) Hore e be khanya le poko ho Molimo. Hona ho hlahisoa ke keketsheho.

# BOITHUTO BA BIBELE I

## b. Kamahanyo.

- 1) Na u elelloa bohlokoa ba ho ba le kamano le Molimo? Hoo ke mohato oa pele bophelong ba Bokreste. Na u na le boitsebelo ba keketseho ea lerato bakeng sa batho ba bang? Haeba ho se joalo, mohlomong u lokela ho ntlafatsa kamano ea hau le Molimo.
- 2) Ha re na le kamano e nepahetseng le Molimo, re ba le khotso, thabo, mamello le mosa. Re ba le bokhoni ba ho rata ba bang. Hangata, re lula re na le khohlano le ba bang. Hobaneng? Hobane re na le khohlano le bo-rona. Ha re na khotso hobane re se na kamano e nepahetseng le Molimo. Pele re khona ho ba le khotso le ba bang, re lokela ho ba le khotso le bo-rona. Hona ho tlisoa feela ke ho ba le khotso le Molimo. Ke fumane hore, hangata ha ke thatafalloa ke ho rata ba bang, ke haeba ke sitetsoe Molimo. Ha ke khone ho rata ba bang nakong eo, hobane ke se na kamano e nepahetseng le Molimo (ka baka la sebe).

### Ntlha ea Puisano

Bolela litsela tseo o lemohileng taba ena bophelong ba hau ka tsona haufinyane (hore na kamano ea hau le Molimo e ama kamano ea hau le ba bang joang).

## 3. Temoho/Botoloki/Kamahanyo.

### a. Temoho le Botoloki.

- 1) Polelo ena “**HO ISA LETSATSING LA KRESTE**” e-ea phetoa temaneng ea 6 & 10.
- 2) Hona ho phetoeng ha polelo ena, re lemoha pheta-pheto e ngoe. Maikutlo a **bophetheho** a phetoa temaneng ea 6 (“**O TLA O PHETHA**”) le tem. 10, 11 (“**LE HLOEKE**” kapa “**LE TLETSE**”).
- 3) Senoko sa 2 (tem. 9-11) se hlalosa le ho otlolla senoko sa 1 (tem. 3-8). Taba ea pele ke hore, Paulosi o ba bolella hore o ba rapella ka ts’epo ea hore Molimo o tla phetha ka ho bona **mosebetsi** a seng a o qalile. Joale o hlakisa le ho otlolla hona ka ho ba bolella hore na o rapella eng bakeng sa bona.

Notes

# BOITHUTO BA BIBELE I

## Notes

- 4) Re ntse re behile litemoho tsena likelellong, re tla elelloa kamano ea linoko tse peli karolong, ‘me re ka botsa ra ba ra araba potso ena.

### Potso ea Botoloki

Ke mosebetsi o fe o molemo o phethoang? (tem. 6).

- 5) Mosebetsi o molemo oo Molimo a o qalileng a bileng a tla o qetella, ke mosebetsi oa lerato. Lerato lena le kahare ho Bafilipi. Leha ho le joalo, re lokela ho hopola hore tsepamo ea tsohle e ho Jesu.

- a) E; ho phetheha ha lerato ho etsoa ka hare ho Bafilipi. Empa ke Molimo ea etsang hoo: **“O TLA FELA A O PHETHE”** (tem. 6).
- b) E; ke tsotello, kutloelo-bohloko, le lerato le ho Paulosi bakeng sa Bafilipi. Empa hantle-ntle, hona ho **“LERATONG LA KRESTE”** (tem. 8).
- c) E; ho eketseha ha lerato la Bafilipi ke sehlahisoa sa ho tlatsoa ka litholoana tsa ho loka. Empa ke **“TSE BEHOANG KA JESU KRESTE”** (tem. 11).

(1) Le mona re boela re bona **“THUTO EA LEFISO”**. ”

(2) Bafilipi ke lits’elo, empa Kreste ke se kahare ho lits’elo. Bafilipi ke lisebelisoa, ha Kreste e le mohloli.

b. Kamahanyo.

- 1) Bakreste ba na le seabo ts’ebetsong e tsoellang-pele. Re lokela ho elelloa hona, ‘me re be le mamello. Ka nako e ts’oanang, re lokela ho labalabela ho tsoellapele. Re lokela ho etsa hoo ka tumelo. Tumelo ho eng kapa ho mang? Ho rona? Che! Tumelo ea rona e lokela ho ba ho Molimo. O qalile mosebetsi (tem 6). O tla re tsamaisa. ‘Me o tla phetha mosebetsi oo, **“LETSATSING LA JESU KRESTE”** (tem. 6, 10) o tla qetella mosebetsi (sheba 1 Bakr 1:8; 5:5; 2 Bakr 1:14).

# BOITHUTO BA BIBELE I

- 2) Na re lula re etse mosebetsi hloko? Na kholo e teng? Na re na le mamello? Na re ikemiselitse ho ba le tumelo e tla lumella hore Molimo a qale ts'ebetso ka labohlano sefapanong, a o phethele ka Sondaha tsohong ha re ntse re eme le ho leta ts'ebetso ka Moqobelo?

Notes

—

## **D. Lethathamo la lintlha tsa Khaeho le Tlhophiseho Karolong ea #2 (o sebelisa lethathamo, bolella baithuti ho fumana likamano pakeng tsa linoko).**

1. Tsebiso ea Paulosi ea thapelo bakeng sa bona (tem. 3-8).
  - a. Ka liteboho le ka thabo (tem. 3, 4).
    - 1) Motheo oa teboho le thabo: seabo sa bona (tem. 5).
    - 2) Motheo oa teboho le thabo: tumelo (tem. 6).

Motheo oa tumelo: tsotello le lerato bakeng sa bona, e tlisitsoe ke lerato le kutloelo-bohloko ea Jesu bakeng sa bona (tem. 7, 8).

2. Tse fumanoang Thapelong ea Paulosi bakeng sa bona (tem. 9-11).
  - a. Bakeng sa ho eketseha ha lerato la bona (tem. 9).
    - 1) Sepheo sa keketseho (tem. 10).
    - 2) Mokhoa oa keketseho (tem. 11a).
    - 3) Mohloli oa keketseho (tem. 11b).
    - 4) Litholoana tsa keketseho (tem. 11c).

## **E. Qetello ea Karolo ea #2.**

1. Polelo e akaretsang. Thabo ea Paulosi ho Bafilipi, e bonts'oa thapelong, e amahangoa le tumelo ea hae, ho seo Molimo a se etsang le se a tla se etsa maphelong a bona (hoo ke hore, o tla phetha lerato leo a le qalileng ka ho bona).
2. Ntlha-kholo. Thapelo ea Nyakallo.

# BOITHUTO BA BIBELE I

Notes —

## III. Karolo ea #3 (Baf 1:12-26).

### A. Selelekela sa Karolo ea #3.

1. Serapeng sena, ntlha ea thabo e ea holisoa.
2. Thabo e **KHOLO** ea Paulosi, e bonahatsoa boemong ba **LITLAMO**.
3. Paulosi o bonts'a thabo e kholo, ea 'nete le ha a le chankaneng.

### B. Boithuto ba Lentsoe-leng Karolong ea #3.

1. Nts'etsa-pele (tem. 12) – e bolela ho tsoellapele; e bonts'a tema e eang pele. Lentsoe lena le ne le sebelisoa bakeng sa liketso tsa bopulamaliboho ba bahlabani, ba neng ba tsamaea ka pele ho bahlabani ba nkile lisebelisoa tsa ho poma le ho roba patsi le lihlahla e le ho lumella hore bahlabani ba tsebe ho hatela-pele. Mona Paulosi o bua ka nts'etso-pele ea evangeli. O bua ka ho isa evangeli moo e so kang e fihla ho hang.
2. Ho tuma (tem. 13) – ho bolela ho etsa hore se neng se sa tsejoeng, se tsejoe; mona hape re bona tiiso ea bopulamaliboho.
3. Ho ts'epa (vs. 14) – ho bolela ho ba le sebete le ts'epo; ho qholotseha. Bakreste ba ile ba fumana sebete ka baka la mohlala oa Paulosi.
4. Khang/likhoka (tem. 15) – e bolela ho ipatlela seabo; ngangisano. Ka nako e ngoe, tlholisano ke maikutlo a teng pakeng tsa likereke le likereke-kholo.
5. Ho khethoa/ho emela (tem. 16) – ho bolela ho fuoa boikarabello bo itseng kapa ho biletsoa ho itseng. Paulosi o etsa khokahano e matla pakeng tsa boemo ba hae le boholo ba Molimo.
6. Boiketsiso (tem. 18) – e bolela maikutlo a lepata; lebaka kapa maikutlo a tleteng thetso. Taba mona ke ho sebelisa Krete bakeng sa lithahasello tsa hau.
7. Tebello (tem. 20) – lentsoe lena le tsoa mantsoeng a mararo: hole, hlooho, le phalimeho. Lentose lena le ka hlaloso ka ho etsa sets'oants'o sa sehloela se thamotseng molala. Maikutlo a hae a nthong e le ngoe. Mona re bona lekunutu la thabo ea Paulosi. Ho sa tsotellehe boemo, o ile a tsepamisa mahlo a hae ho Jesu.

# BOITHUTO BA BIBELE I

8. Tlotlisoa/phahamisoa (vs. 20) – e bolela ho atolosa; ho holisa.
9. Ho lula (vs. 25) – ho bolela ho ba pela ho hong; lentsoe le supa bosebeletsi.
10. Tsoelopele (ke tla ‘ne ke) – mona re boetse re bona Bokreste e le leeto le tsoellang-pele.

Notes

—

## C. Boithuto ba Khaeho le tlhophiseho ea Karolo ea #3.

1. Temoho/Botoloki/Kamahanyo.
  - a. Temoho le Botoloki.
    - 1) Karolo ena e ka aroloa ha beli. Senoko sa bobeli ke **NTS’ETSO-PELE** ea senoko sa pele. Re etsa qeto ena re ipapisitse le thabo e **TSOELANG PELE** ea Paulosi. Karohano e ea etsoa temaneng ea 18. Paulosi o re o oa thaba. Hona ho amana le litemana tse fetileng. O boetse o re o tla thaba. Hona ho amana le litemana tse latelang.
      - a) O thabela tsoelopele ea evangeli (tem. 12-18).
      - b) O thabela tokollo ea hae eo a e lebeletseng (tem. 18c-26).

### Potso ea Botoloki

Ho ba litlamong ha Paulosi ho hlaha tsoelopele le ho pharalla ha evangeli joang?

# BOITHUTO BA BIBELE I

Notes —

- 2) Paulosi o hlalisa karabo ea hae temaneng ea 13 (**E LE HORE**). ‘me o tsoelopele temaneng ea 14 (“**ME JOALE**”).
- a) tem. 13—hona le tsoelopele hobane ba bang ba elelloa ts’ebetso ea Paulosi. Mohlala, hona le mosebetsi oa bopulamaliboho o etsoang ka har’a masole a Roma, oo ho neng ho ka ba thata ho o fihlella. Masole ana, a elelloa le ho buleha mahlo ka Jesu Krete le evangeli.
  - b) Tem. 14—hona le tsoelopele hobane bonnete ba litlamo tsa Paulosi, bo fa Bakreste ba Roma matla a ho bolela evangeli ka sebete ka baka la mohlala o hlollang oa Paulosi.

## Potso ea Botoloki

Ho bolelang ho *bolela* Lentsoe la Molimo?

- 3) Sheba sets’oants’o sena:

tem.14=	BOLELA	—————	LENTSOE LA MOLIMO
tem.15=	PHATLALATSA	—————	KRESTE

- a) Joalokaha ho ngoliloe ke Moapostola Johanne, le ho Paulosi Lentsoe la Molimo ke Krete.
- b) Ho bolela lentsoe, ke ho bolela Krete.



# BOITHUTO BA BIBELE I

## Potso ea Botoloki

Notes —

Hobaneng Bakreste ba Roma ba phatlalatsa Krete?

- 4) Ka kakaretso, tem. ea 14, e araba potso ena: hobane Paulosi a le litlamong. Leha ho le joalo, re ithuta lintlha haholoanyane temaneng ea 15:
  - a) Ba bang ba bolela evangeli ka baka la mona le khang khahlanong le Paulosi.
  - b) Ba bang ba e ruta ka baka la ho pelo e khabane malebana le Paulosi.
- 5) Tlhaloso ea mabaka a lihlopha tsena tse peli a ho ruta evangeli, a fumanoa temaneng ea 16 le 17.
  - a) Tem. 16 – tsebo ea matla a Paulosi e le moapostola, e khothatsa le ho matlafatsa ba bang. Ba matlafatsoa ke lerato hore ba tsoelepele.
  - b) tem. 17 – ba bang ba sebetsa ka maikutlo a tletseng boipatlo, le ho ikhahela molemo oa bona. Ba leka ho eketsa mahloko a Paulosi. Ha re ka elelloa moelelo oa mantsoe ana “mona” le “khang”, re ntse re shebile litlhokomeliso tse khaolong ea 3 malebana le Bajuda ba cheseho/molao, re ka khona ho etsa qeto kahoo ea hore, hona ke karolo ea bothata ba Bajuda ba cheseho. Litlamo tsa Paulosi, li ba matlafatsa ka baka la ho elelloa hore ho bona ke monyetla. Ka baka la ho tlangoa ha Paulosi, ba bona ba na le bolokolohi ba ho phatlalatsa evangeli ba tiisa molao. Ba shebile haholo kutloisiso ea bona Bojudeng ho feta thahasello ea bona bonneteng ba evangeli. Ba sebelisa (“maikutlo a boikhabo”—tem. 17) evangeli ho khotsofatsa litakatso tsa bona le ho iphumanela molemo. Ba na le seo ba se patileng (e leng oona moelelo oa lentsoe “boiketsiso” temaneng ea 18).

## Potso ea Botoloki

Paulosi o ikutloa joang malebana le see (boipatlo le boichebo ba ba bang)?

# BOITHUTO BA BIBELE I

Notes —

6) Paulosi o botsa potso ena ka bo-eena temaneng ea 18: “**HO NANG**”?

- a) O thaba hobane Krete oa boleloa. Paulosi o ne a phelela hona. Hona e ne e le sepheo le boikemisetso ba hae.
- b) Kahoo, o a thaba le ha batho ba phetha morero oona ba le khahlanong le eena. Ha a bolele evangeli bakeng sa molemo oa hae. O kene mosebetsing oona bakeng sa Krete. Hantle-ntle, ho Paulosi, molaetsa o bohlokoa ho feta mokhoa oo o fetisoang ka oona.

b. kamahanyo.

- 1) Mabaka a hau a ho bolela evangeli ke a fe? Hobaneng o phatlalatsa evangeli ebile o paka? Ke bakeng sa hau? Ke bakeng sa hore kereke ea hau e tle e hole? Kapa ke bakeng sa Jesu? Kapa na u lumella Jesu hore a u **SEBELISE** bakeng sa merero ea hae? Ke eng se u susumetsang hore o sebeletse? Ke tlholisano? Kapa ke lerato la Krete le thahasello ea ho bona ‘Muso o hola?
- 2) Ha o bona kholo le katleho ea mosebetsi oa bao e seng karolo ea hau, u ikutloa joang? Na lekunutung o labalabela hore mosebetsi oa bona o ka senyeha? Kapa u ka sheba kaholimo ho moo eaba o thabela tsoelopele ea evangeli? Na u ka ‘na oa thaba ha evangeli e tsoelapele ka mokhoa o khahlanong le uena? Seo u susumetsang ho bolela evangeli ke eng? Na ke hore Krete oa phatlalatsoa? Kapa ke hore, Krete o phatlalatsoa feela haeba hoo ho u tlisetsa molemo ka mosebetsi oa hau

2. Temoho/Botoloki/Kamahanyo.

a. Temoho le Botoloki.

- 1) Paulosi o fana ka lintlha ka botlalo senokong sa pele (tem. 12-18), moo a bonts’ang thabo ea hae **HONAJOLE**.
  - a) Senoko sa bobeli (tem. 18c-26) se qala ho bonts’oa ha Paulosi a eketsa hore o **TLA** ‘ne a thabe

**Potso ea Botoloki**

Hobaneng Paulosi a tla thaba?

# BOITHUTO BA BIBELE I

- b) O tla thaba “**HOBANE**” (tem.19) a tseba hore tholoana ea litlamo tsa hae e tla ba “**TOKOLLO**” ea hae.

## Potso ea Botoloki

Tokollo ea Paulosi e tla phethahatsoa joang?

- 2) E tla fihleloa “**KA**” (tem. 19) lintho tse peli hape “**HO LATELA**” (tem. 20) ba bang.
- a) “**KA**” lithapelo tsa Bafilipi. Paulosi o ne a lumela matleng a thapelo.
- b) “**KA**” boteng le mosebetsi oa Moea o Halalelang. Paulosi o ne a ts’epa matleng a Moea o Halalelang.
- c) “**HO LATELA**” tumelo ea hae (“tebello le tumelo”). Paulosi o ne a lumela matleng a tumelo. O ne a utloisisa hore tumelo e etella poloko/tokollo (pholoho).

## Potso ea Botoloki

Tebello le ts’epo ea Paulosi ke e fe?  
O ne a na le tumelo bakeng sa eng?

Notes

—

# BOITHUTO BA BIBELE I

Notes

## 3) Tebello le tumelo ea hae ke **HORE**:

- a) A ke ke a fosa Kreste. O tla emela Kreste ka sebetse ho sa tsotellehe boemo boo a le ka har'a bona.
- b) O tla phahamisa Kreste.
  - (1) Tsepamo ea Paulosi, e molemong oa Kreste. Ha a shebane le molemo oa hae(Paulosi). Leha a ne a le chankaneng, o ne a sa shebe ho Molimo a ipapisitse le hore na Molimo o tla moetsetsang. O ne a sheba Molimo malebana le se ka etsoang bakeng sa Kreste. Tumelo ea hae, e kaholimo ho ho-lumela bakeng sa seo Molimo a ka moetsetsang sona. E ho-lumeleng ho seo Molimo a ka se etsang ka eena bakeng sa khanya ea Kreste.
  - (2) Tumelo ena ha e sebetse e ipapisitse le maemo a nama. Sepheo sa eona se seholo ha se khone ho hlaloso ke maemo a nama. Paulosi ha a sebelise tumelo ea hae bakeng sa hae. O e sebelisa bakeng sa Kreste.

## b. Kamahanyo.

- 1) Ha o le kahar'a boemo bo boima, u sebelisa tumelo ea hau bakeng sa eng? Na u e sebelisa ho tsoa boemong boo bo seng monate? Na hoo ke eona tsepamo le ts'usumetso ea hau? Kapa, na tumelo ea hau e hloekile ho lekana hore e shebane le molemo oa Jesu ho sa tsotellehe se tla u hlahela?
- 2) A na tsepamo ea tumelo ea hau e amana le hore na Molimo o tla u etsetsa molemo o fe? Kapa, e shebane le hore na Kreste a ka phahamisoa joang ho sa tsotellehe hore na uena u tla feta maemong a joang?
- 3) Nakong eo o nang le bothata, na tumelo ea hau eohle e shebana le boemo ba nama? Na u shebana le ho tlosoa ha bothata, kapa tumelo ea hau e ba ka holimo ho bothata, e be e u lumella ho lumellana le mantsoe a Daniele 3:18 le Matheu 26:39?

# BOITHUTO BA BIBELE I

## 3. Temoho/Botoloki/Kamahanyo.

### a. Temoho le Botoloki.

- 1) Tsepamo ea tumelo ea Paulosi ke hore Krete a tle a tlotlisoe. Ka ho otloloha, ke hore Krete a phahamisoe “**LE KA ‘MELE OA PAULO SI.**”

#### Potso ea Botoloki

Krete a ka tlotlisoa joang ka ‘mele oa Paulosi?

- 2) Paulosi o fana ka likarabo tse peli ha a re, “leha e le ka”:

a) Bophelo.

b) Lefu.

#### Potso ea Botoloki

Ke ka tsela e fe Paulosi a ka shebang lefu la hae le le molemo?

- c) Re lokela ho hopola hore, thahasello ea Paulosi ha se ho iphumanela molemo. O sa ntsa a shoele bo-eena. (Bag 2:20). Thahasello ea hae e kholo ke Krete. O batla ho ba le boitsebelo ba eng le eng e tlotlisang Krete.

#### Potso ea Botoloki

Paulosi o bolelang ha a re o tla bolokeha/lopolloa?

Notes

—

# BOITHUTO BA BIBELE I

Notes

—

3) Bakeng sa Paulosi, ho ne ho na le menyetla e ‘meli.

- a) O ne a le litlamong bakeng sa Krete, a bile a bua bakeng sa Krete ka sebete (ka tebello ea hore o tla lokolloa, joalokaha ho boleloa temaneng ea 26).
- b) O ne a le litlamong bakeng sa Krete, a bile a bua bakeng sa Krete ka sebete, ebile a ikemiselitse ho shoela evangeli.

## Potso ea Botoloki

Bophelo le lefu li ka bolela poloko/tokollo ea ‘nete joang?

- 4) Paulosi o hlahisa karabo ea potso ena temaneng ea 21 ha a re “**HOBANE.**”
- a) Ke poloko ho phela hobane, o lokolloa bo-eeeng ka bophelo ba Krete (Bag 2:20).
  - b) Ke tokollo/poloko ho shoa kaha e le molemo.


## Potso ea Botoloki

Lefu e ka ba molemo joang?

# BOITHUTO BA BIBELE I

- 5) Lentsoe “**MOLEMO**”, le ts’oana le “**HO BETERE HAHOLO**” ka moelelo. (tem. 23). Ho betere haholo (molemo) hobane hoo ho fana ka monyetla oa ho ea “**BA LE KRESTE**.” Sets’oants’o sena se tla bonts’a hona e le karabo potsong ea rona.

Notes —



- a) Hape, Paulosi o kala tsohle a ipapisitse le Jesu. Ho-shoa ke molemo ka lebaka la seo e ho-setlisang. Ho tlisa kamano e phethehileng, e otlolohileng le Jesu.
- b) Ka tsela e itseng, ho shoa hore fa monyetla oa ho ba le Jesu ka tsela e ntle, le pele ho tsoho ea ‘mele ea rona (sheba Luka 23:43; 2 Bakr 5:8).


# BOITHUTO BA BIBELE I

Notes

## Potso ea Botoloki

Sephetho sa “ho phela ke Krete” ke eng?

6) Ho araba potso ena, re ka sebelisa sets'oants'o sena.





# BOITHUTO BA BIBELE I

- a) Bophelo ba Paulosi, ke bophelo ba Krete. Qetello ke ts'ebetso e behang litholoana. Haholoholo temaneng ea 24, litholoana ke litlhohonolofatso le melemo bakeng sa ba bang.
- b) Hape, Paulosi ha a ichebe. Ha a shebe litakatso le melemo eo a tla e fumana. Paulosi o shoele bo-eena. O bonts'a ts'ebeliso ea bophelo ba hae bakeng sa Krete (hlooho) kapa bakeng sa Bafilipi ('mele oa Krete).

## Potso ea Botoloki

Paulosi o nahana hore ho tla etsahalang ka eena?

- 7) O lumela hore o tla phela (“U TLA ‘NE A BE TENG/HO TSOELLAPELE”)
  - a) Senokong sena (tem. 18c-26) Paulosi o qala ka maikutlo a chebelo-pele, ebile o qetella ka maikutlo a chebelo-pele.
  - b) Paulosi o sheba ka nqane ho maemo, e be o khona ho thaba. Ha a shebane le maemo a hajoale.

Notes

—

# BOITHUTO BA BIBELE I

Notes

## Potso ea Botoloki

- Hobaneng Paulosi a lumela hore o tla phela?
- 8) Paulosi o hlalisa karabo ea potso ena temaneng ea 25 ha a re **‘ME HAPE KA BAKA LA HO KHOLOA KE HOO. O kholisehile ka eng? Hape, ha re ithute ka sets’oants’o sena(sets’oants’ong sena “x” e bonts’a **KEKETSEHO EA TLHOKO**).**

te. 24	—	HO LULA (x)	BAKENG	SA LONA
te.25	—	HO LULA	BAKENG	SA KHOLO EA LONA

- Paulosi o kholisehile hore ho **BETERE HAHOLO** (morerong oa Molimo) hore a phele ho feta hore a shoe. Kahoo o lumela hore o tla phela.
- Paulosi o lumela hore Bafilipi ba ntse hloka mosebetsi o eketsehileng oa boapostola. Maikutlo ana le tumelo ea hae boholong ba Molimo, bo mofa qeto ea hore o tla phela.
- Hape, re elelloa hore maikutlo a Paulosi a ho Krete. Temaneng ea 26, Paulosi o hlalosa Sepheo sa qeto ea hae (**E LE HORE**). Maikutlo a hae a tsepame ho Krete (**HO TLE HO EKETSEHE HO KRESTE JESU**).
- hape re boetse re bona maikutlo a Paulosi a le ho ba bang. O beha litlhoko tsa ba bang kapele ho litakatso le lits’ekamelot tsa hae. Ntho e leng **BETERE HO FETA** bakeng sa hae, o e tlohella ka baka la ho **HLOKAHALANG HAHOLO** bakeng sa ba bang.

—	> hore (ho shoa) ho BETERE HO FETA <
—	MOLEMO BAKENG SA HAE.
> (ho phela) ho MOLEMO HO FETA <	TLHOKO TSA BA BANG.

# BOITHUTO BA BIBELE I

b. Kamahanyo.

- 1) Na u ka sheba lefu ka tsela e ntle? Na u ka sheba bophelo ka tsela e ntle? Na u utloa o na le tekano lintho tsee tse peli? Thahasello ea Paulosi ea ho shoa, e ne e lekangoa ka thahasello ea hae ea ho phela hobane lerato la hae bakeng sa Krete, le ne e lekangoa ka lerato la hae bakeng sa batho ba Krete.
- 2) Hobaneng o batla ho shoa? Na ke ka hobane o batla ho baleha mathata a bophelo? Kapa ke hobane o na le thahasello ea ho ba le Jesu? Hobaneng o batla ho phela? A na ke ka baka la litebello le lithahasello tsa hau? Kapa na u thasella ho phela molemong oa ho ba tlhohonolofatso ho ba bang?

## D. Lethathamo la lintlha tsa Khaeho le Tlhophiseho Karolong ea #3.

1. Tsoelopele e kholo ea evangeli (tem. 12-18).
  - a. Ka tsebo ea ba bang malebana le mosebetsi oa Paulosi (vs. 13).
  - b. Ka phatlalatso ea ba bang ea evangeli (tem. 14-18).
    - 1) E matlafatsoa ke maikutlo a matle kapa a mabe malebana le Paulosi (vs. 15).
    - 2) Tlhaloso ea maikutlo/mabaka ao (tem. 16,17).
    - 3) Karabelo ea Paulosi maikutlong ao (tem. 18).

Notes

—

# BOITHUTO BA BIBELE I

## Notes

### 2. Tebello ea Paulosi ea poloko/tokollo (tem. 18c-26).

- a. Paulosi o qala ka ho thaba ha a ntse a shebetse pele (tem. 18c). Hobane o bona poloko/tokollo (tem. 19a).
  - 1) Ka lithapelo tsa bona (tem. 19b).
  - 2) Ka boteng le ka ts'ebetso ea Moea o Halalelang (tem. 19c).
  - 3) Ka tumelo ea hae (tem. 20a).
    - a) Hore a se ke a fosa Krete (tem. 20b).
    - b) Ka hore Krete a tlotlisoe ka eena (tem. 20c).
      - (1) Ka bophelo ba hae (tem. 20d).
      - (2) Ka ho shoa ha hae(Paulosi) (tem. 20d).
        - (a) Tlhaloso e akaretsang ea hore na hobaneng bophelo le lefu e ka bang “poloko/tokollo” (tem. 21).
        - (b) Tlhaloso e otlolohileng (tem. 22-24).
- b. Paulosi o qetella ka ho thaba ha a ntse a shebetse pele (tem. 25, 26).

#### **Maikutlo a Sengoli:**

O sebelisa lethathamo la lintlha, qholotsa baithuti ho fumana kamano ea likarolo (tsoelopele, nts'etso-pele, ho toba, tlhaloso, lebaka, mokhoa, qetello).

# BOITHUTO BA BIBELE I

## E. Qetello ea Karolo ea #3.

1. Polelo e akaretsang. Molimo a ka etsa maemo a shebahalang a le thata lefats'eng lena ho sebetse 'moho molemo, empa re lokela ho ba le boikemisetso ba ho ts'oengoa le ho etsa sohle bakeng sa Krete.
2. Ntlha-kholo. Litholoana tse ntle tsa ho hlahleloa chankaneng.

## IV. Karolo ea #4 (Baf 1:27-2:18).

### A. Selelekela sa Karolo ea #4.

1. Karolong ena, Paulosi o fana ka litaeo tse akaretsang le liqholotso. Li bonts'oa ka serapa se buang haholo-holo ka Krete Bibeleng.
2. Paulosi o sebelisa serapa sena e le mohlala o moholo bakeng hore na Bafilipi ba lokela ho phela maphelo a bona joang.

### B. Boithuto ba Lentsoe-leng Karolong ea #4.

1. Mokhoa (tem. 27) – e bolela mokhoa kapa boits'oaro ba mofuta o itseng oa motho; boikarabello ba setho sa sehlopha se itseng. Ntlha-kholo mona ke ho phela ka boikarabello joaloka bana ba leholimo. Paulosi o bapalla tabeng ea hore Filipi ke “koloni” ea Roma ka molao. O sebelisa papiso ena ho bonts'a le ho holisa bohlokoa ba maikarabello a bana ba leholimo. Lentsoe la Sekherike le sebelisitsoeng mona le bojoaleng bo bohareng. Ketso ea bojoale bo bohareng, e bonts'a mokhoa o tsoelang-pele oa boits'oaro. Molumo oa 'bohare' o etsa hore molaetsa o be matla ho feta khothaletso feela, ke tao e lokelang ho phethoa. E beha boikarabello ho motho. Motho ka mong o lokela ho elelloa boemo ba hae ba ts'ebetso, le ho its'oarella bakeng sa liketso tse lokelang.
2. O ts'oanelang (tem. 27) – e bolela mokhoa o lumellanang le; o ts'oanang le; lipolelo tsa bona li lokela ho lumellana le boits'oaro.
3. Ho ema (tem. 27) – ho bolela ho ts'oana le lesole le sematletseng le hanang ho checha. Moelelo oa lentsoe lena, o bonts'a hore hona le bohanyetsi. Ho lokeleha ho kenyeletsa sebete, le boitolobetso bo sa thekeseleng le kahar'a bohanyetsi.

Notes

—

# BOITHUTO BA BIBELE I

## Notes —

4. Le ntse le loanela hammoho(tem. 27) – lentsoe lena le ne le sebelisoa ho hlalosa sehlopha sa libapali tse tlholisanong le sehlopha se seng lipapaling. Mona hape Pualosi o sebelisa lentsoe le bonts'ang hore hona le bohanyetsi. Ntoa e khahlanong le bohanyetsi bona e bonts'oa e le boikarballo le mosebetsi oa Bakreste.
5. Le sa ts'ohe (tem. 28) – e bolela ho nyaroha, ho ts'oha; mohlomong Paulosi o ne a nahanne Cassius ha a ne a sebelisa lentsoe lena. Histori e bolela hore, ntoeng ea Filipi, Cassius o ile a ipolaea ka baka la ts'abo ea ho hloloa. Mona, Paulosi o hlokomelisa balumeli ka kotsi ea ho lumella sera hore se o ts'ose.
6. Ponts'o (tem. 28) – e bolela bonnete bo fumanaoeng ka bopaki (ke lentsoe le sebelisoang molaong). Mona re hopotsoa ntlha-theo ea Paulosi. Lentsoe lena le bonts'a sephetho sa liketso tse lumellanang le lipolelo.
7. Le neiloe (tem. 29) – e bolela ho fuoa ka mohau. Ke mpho ea mohau ho lumela ho Jesu le ho ts'oengoa ka baka la hae.
8. Ka baka la Hae (tem. 29) – e bolela 'bakeng sa hae'. Kahoo, re ts'oenyeha bakeng sa Krete, re le ba tsoelang pele ho ruta molaetsa oona o moisitseng sefapanong. Paulosi o nka hona e le monyetla o motle (mpho ea mohau). Sheba Math 5:11, 12; Lik 5:41; Jak 1:2; 1 Petr 4:14.
9. Ntoa (tem. 30) – e bonts'a ntoa e ka hare; e fana ka sets'oants'o sa semathi se loanelang ho ea tsoa khoeleng. Paulosi o sebelisa lentsoe lena ho hlalosa bophelo ba hae ba bohanka le kahar'a ntoa(bakeng sa histori, bala Liketso 16:19-40).
10. Ekare/haeba (2:1) – e ka hlaloso e le “kaha” kapa “re ipapisitse le ho itseng.”
11. Boithoriso ba lefela (2:3) – ho loanela; lithahasello tsa botho, tse senang kopano. Mona, Paulosi o boetse o bonts'a bothata ba tlhokahalo ea bongoe
12. Sebopeho (2:6) – ke lentsoe le neng le sebelisoa haholo lipolelong tsa bohlale (ha se lentsoe le supang sebopeho sa nama kapa chebahalo ea ntho e itseng). E bonts'a boleng, kapa seo ntho e itseng e leng sona, le **PONAHALO** ea boleng boo. Ke PONAHALO e phethehileng ea boleng bo phethehileng. Ke ponahatso e kantle ea boleng bo kahare ba motho. Ponahatso e fapane le tlholeho ea eona, joalokaha khanya e fapane le mollo o e entseng. Ha se lintho tse bapelaneng ts'oanong. Empa leha ho le joalo, ke ntho e le ngoe. Haeba motho a bonts'a semelo sa ntho e itseng, hono ho bolela hore motho eo o na le boleng ba hoo.

# BOITHUTO BA BIBELE I

13. o ne a e na le boleng (2:6) – ke bojoale bo bophethehong; ho bonts’a hore ketsahalo ena e tsoelapele. Jesu ha a ka a emisa ho ba Molimo. Empa o boetse o ile a behella tokelo ea hae ea ponahatso ea boleng ba bomolimo thoko. Tlhaloso ea mantsoe ana a mabeli (sebopeho le boleng) a fana ka tlhaloso ea seo re tloaetseng ka hore ke boraro bo halalelang.
14. Ho ts’oarella(2:6) – ho bolela ho ts’oarella maemong oohle. Jesu o ne a ikemiselitse ho tlohela seo a neng a na le sona.
15. Temana ea (2:7) – e bonts’a hore Kreste o itlhobolisitse tsohle; a behella melemo eohle ea bomolimo hole le eena. O ile a behella thoko monyetla oa ho itlhahia e le Molimo.
16. Ka bo-eena (2:7) – sekherikeng, hona ho bonts’a ketso ea tiiso. O ile a itlhobolisa bo-eena ka sebele sa hae.
17. Sebopeho (2:7) – le ntse le sebelisitsoe ka tsela eo le sebelisitsoeng ka eona temaneng ea 6. Ke ponts’o ea boleng. E bonts’a boteng ba boleng bo kahare le sebopeho.
18. Sets’oano (2:7) – e bolela ponahatso ea boleng ba ‘nete kante; sebopeho se bonahalang.
19. Bokante (2:8) – e bolela boitlhahiso bo bonahalang. Lentsoe lena le ne le tloaetse ho sebelisoa ho ipapisitsoe le Morena ea hlobolang kobo ea hae ea bokhosi a apara tse mahoashe. E bonts’a bokante ka botlalo. Ke feshene kapa boitsebelo ba motho.
20. Phahamisitsoe ka ho fetisisa (2:9) – o phahamiselitsoe kaholimo ho ba bang; o phahamiselitsoe boemong bo holimo-limo.
21. Le sebetse (2:12) – sebetsang ho isa pheletsong; tsoellang-pele ho fihlela qetello-kholo e fihleloa (e leng ho ts’oana le Kreste). Lentsoe lena le bonts’a hore ntho ena ke ntho e tsoellang-pele.
22. Ts’abo le thothomelo (2:12) – letsoalo la ho etsa se nepahetseng; ho hloka boits’epo ho nang le molemo, ho bileng ho sebetsang e le tlhokomeliso. Ke ts’abo e tlišoang ke ho elelloa ho hloka bokhoni ha motho. Ke tlhompheo ea bonnete bo etellang motho ho ts’epa le ho its’etleha ka Molimo ka botlalo.
23. O sebetsang ka ho rona(2:13) – ho matlafatsa. Molimo ke mohloli le moakofisi. O tla re susumetsa le ho re tsamaisa.

Notes

—

# BOITHUTO BA BIBELE I

## Notes —

24. Ka boithatelo ba oona (2:13) – ho ba le thahasello mehopolong.
25. Ho ts'oarella (2:16) – ho sematlela; ho nehelana ho ba bang (ho ba leseli).
26. Leha mali a ka a ts'oloha sehlabelong(2:17) – Paulosi mona o bua a ikamahanya le tloaelo ea lichaba tsa bohedene, tse neng li ts'ela senoelo sa mali e le ho tlotla melingoana ea bona. O sebelisa lentsoe lena ho bua ka polao ea hae e neng e lebeletsoe.
27. Sehlabelo (2:17) – karolo e kholo ea sehlabelo. Boikokobetso ba Paulosi, bo etsa hore a ipone e le karolo e nyane ea sehlabelo se eang ho Molimo.
28. Ho thaba ha 'moho(2:18, 19) – re boetse re bona maikutlo a ho arolelana ho hong.

### C. Boithuto ba Tlhophiseho le Khaeho Karolong ea #4.

1. Temoho/Botoloki/Kamahanyo.
  - a. Temoho le Botoloki.
    - 1) Boikemisetso ba Paulosi karolong ena ke ho laea le ho qholotsa. Karolo ena e ka aroloa linoko tse tharo. Ntlha e akaretsang bakeng sa linoko tsena tse tharo, ke hore na u lokela o its'oare joang.
      - a) **BOITS'OARO LE MOKHOA OA HO PHELA...**(1:27-2:2).
      - b) **SE ETSANG LETHO...**(2:3-13).
      - c) **ETSANG TSOHLE...**(2:14-18).
    - 2) Lebaka la mantlha la Paulosi la ho kenyeletsa serapa sa thuto e tebileng ka Krete, (2:3-13) ha se ho ruta ts'ekamelolo ea tumelo e itseng. Paulosi o beha serapa sena pakeng tsa likhothatso tse peli tse fapaneng tse bonts'ang hore na re lokela ho its'oara jonag. O e qala ka khothatso e ngoe. Ka tsela ena Paulosi o sebelisa serapa sena e le mohlala-khoho, papiso, le ponahatso ea mokhoa oo a batlang Bafilipi ba phele ka oona.
    - 3) Senokong sa pele, (1:27-2:2) Paulosi o qala litaeo le liqholotso tsa hae ka mokhoa o akaretsang. O batla Bafilipi ba phele ka tsela e ts'oanelang evangeli.



# BOITHUTO BA BIBELE I

## Potso ea Botoloki

Hobaneng Paulosi a batlang “**MOKHOA**” oona boits’oarong le bophelong ba bona?

- 4) Paulosi o araba potso ena ka mantsoe ana “**E LE HORE.**”
- a) E le hore a tle a utloe tlaleho e ntle ka bona, leha a sitoa ho ba bona.
  - b) Paulosi, mishinari, o utloa boikarabello ba hae malebana le mosebetsi oa evangeli, oo a ileng a o qala ‘me a bonts’a thahasello e kholo mosebetsing oo.

## Potso ea Botoloki

Ke eng e kenyelelitsoeng ho “**MOKHOA**” oo?

- 5) Paulosi o beha lintlha tse tharo:
- a) “**HO EMA KA MOEA O LE MONG**” (tem. 27).
  - b) “**KA PELO E LE NGOE LE NTSE LE LOANA HAMMOHO BAKENG SA TUMELO EA EVANGELI**” (tem. 27).
  - c) “**LE SA TS’OHE LETHO KA BAKA LA BAHANYETSI**” (tem. 28).
- 6) Lintlha tsena tse tharo li na le liakaretsi tse peli:
- a) Bongoe (“**MOEA O LE MONG**”; “**PELO E LE NGOE**”; “**BAHANYETSI BA LONA**”).
  - b) Ntoa e khahlanong le bohanyetsi/sera (hlokomela boithuto ba lentsoe-leng mantsoeng ana, “**HO EMA KA TIEO**” le ho “**LOANA**”; Hape hlokomela ts’ebeliso ea lentsoe “**BAHANYETSI**”).

Notes

# BOITHUTO BA BIBELE I

Notes —

- 7) Kahoo, **“MOKHOA”** o hlaloso ka litsela tse peli tse fapaneng haholo:
  - a) Ke ho ba le bongoe le ba bang.
  - b) Ke ho fumana khanyetso ho tsoa ho ba bang.
- 8) Ho Paulosi, bophelo ba Bokreste, ke bolichaba lefats’eng lena. Bo tsosa bohanyetsi le ntoa. Karabelo e nepahetseng bohanyetsing le ntoeng ena **“KE HO EMA KA MATLA KHAHLANONG”** le sera. Joalokaha ho le bohlokoa haholo ho **“HO EMA KA MATLA LE”** ba phelang ka mokhoa o ts’oanang le oa hau.
- 9) **“MOKHOA OA HO PHELA”** o **“TS’OANELANG EVANGELI”** o hlahisa:
  - a) Bophelo ba bongoe.
  - b) Bophelo ba khanyetso.
- 10) Hona ke ‘nete hobane evangeli e tlisitse:
  - a) Khotso pakeng tsa Molimo le motho (Baf 1:2; Johan 14:27). Kahoo, hona le khotso pakeng tsa bana bohle ba Molimo (Bae 2:14-18).
  - b) Lerumo pakeng tsa batho (Math 10:34-36).

# BOITHUTO BA BIBELE I

## Potso ea Botoloki

Hobaneng hoo e le **“MOKHOA”**

11) Paulosi o fana ka tlhaloso ka mantsoe ana **“BAKENG SA HORE LE”** (tem. 29). Mona, o fana ka mabaka a hore na hobaneng **“MOKHOA”** o kenyeletsa bongoe le bohanyetsi.

- a) Temaneng ea 27, 28 hona le liakaretsi tse peli malebana le **“MOKHOA”** oa ho phela.
- b) temaneng ea 29 ho na le mabaka a mabeli a hlalosang hore na hobaneng **“MOKHOA”** o kenyeletsa bongoe le bohanyetsi.

c) Ithute sets'oants'o se ka tlaase.

TLHALOSO EA “MOKHOA” (tem. 27,28)	TLHALOSO (tem. 29)
Bongoe le ba ba bang	Ho lumela ho Eena
Bohanyetsi ho tsoa ho ba bang	Ho hlorigoa ka baka la Hae
<p style="text-align: center;">BAKENG-SA (schokela sa mantlha)</p>	

12) boleng ba evangeli bo hlahisa lintlha tsa khanyetso kahar'a **“MOKHOA”** oa Bokreste oa ho phela. Evangeli e hlahisa pholoho bakeng sa balumeli, empa ke lejoe le khopang bakeng sa ba sa lumelang. E hlahisa lintho tse peli tse fapaneng bakeng sa lihlopha tse peli tse fapaneng tsa batho.

- a) Qetello e ba hore, **“MOKHOA”** oa Bokreste oa ho phela, o kenyeletsa lintlha-kakaretso tse peli.
- b) Ithute sets'aonts'o sena.

	KHOTHATSO	MOKHOA OA HO PHELA
Bae 4:1-6	“tsamaeang ka mokhoa”	E bang bongoeng ka baka la tumelo ea lona
2 Tim 3:11,12	“phelang khalalelo”	Litlhoriso, mats'oenyeho, likhanyetso

Notes

# BOITHUTO BA BIBELE I

Notes —

- c) Re ka boetse ra sebelisa mohlala o ho Johanne 15. Temaneng ea 17, Jesu o laela barutuo ba Hae ho ratana. O eketsa ka hore, ba tla hlorisoa ke ba lefats'e (tem. 18-21). Bophelo ba Bokreste le Mokhoa oa balumeli oa ho phela o tla kenyeletsa bongoe le bohanyetsi.

## Potso ea Botoloki

Na “**MOKHOA**” oo o-oa khoneha?

13) Ho joalo! lentsoe “**HAEBA**” le bolela “**KAHA.**”

- a) Paulosi o re: kaha le na le lintho tsena (2:1), li etseng kahoo (2:2).
- b) Elelloa nts'etso-pele sets'oants'ong sena.

“MOKHOA” (1:27-28)	KAHA LE NA LE EONA (tem.1)	ETSANG (tem.2)
“emang” “moea o le mong” “pelo e le ngoe” “loanang hammoho”	“khotatso” “kopano ea Moea” “kutloelo-bohloko” (ho boleloa: ho ts'oenyeha ‘moho)	“bolokang” “bongoe meeng” “pelo e ts'oanang” “thahasello sepheong se le seng”

b. Kamahanyo.

- 1) Na u inka o le ngoana oa leholimo? Hae ba ho joalo, na u shebana *feela* le melemo ea boemo boo? Kapa u amohela le ho phetha boikarabello ba hau? Na u bona “**MOKHOA**” oa hau oa ho phela e le boikarabello bo malebana le boemo ba hau ba leholimo? Na liketso tsa hau li lumellana le evangeli eo o e bolelang? Kapa u phela bophelo ba boikaketsi?

# BOITHUTO BA BIBELE I

- 2) Na u ka amohela taba ea hore bophelo ba Bokreste bo tlameha ho hokahanya baena bohle, le hore bo tlameha ho fumana khanyetso ho tsoa lefats'eng? Kapa che u bona feela Molimo e le "lerato" 'me u na le thahasello ea kopano le batho bohle? Na u ka amohela taba ea hore ha se batho bohle bao e leng baena (bana ba Molimo)? Na u ka ananela taba ea hore ho tla ba le bohanyetsi?
- 3) U sheba le ho nka mats'oenyeho a Bokreste joang? Na ke ntho e lokelang ho qojoa kapa ho baleoa? Na u e hlalosa e le mosebetsi oa diabolosi? Kapa u e amohela e le mpho ea mohau ea Krete?

## 2. Temoho/Botoloki/Kamahanyo.

### a. Temoho le Botoloki.

- 1) Boemong bona Paulosi o tsoelapele ho fana ka litaeo le liqholotso. O sebelisa papiso. O fana ka mohlala oa pelo ea Jesu. O batla Bafilipi ba be le pelo e ts'oanang. Ho ba le pelo e kang ea Jesu, e tla fetola **"MOKHOA"** oa bona oa ho phela. Joale Paulosi o ngola tjena temaneng ea 5: "Le fele le be le pelo e bileng le ho Jesu Krete."

#### Botso ea Botoloki

Hantle-ntle **"PELO EE E HO JESU"** ke eng?

- 2) **"ENA"** e amana le litemana tse peli tse fetileng. Sekherikeng, lentsoe **"PELO"** le temaneng ea 5, ke lentsoe le ts'oanang le **"KHOPOLO/KELELLO"** le **"SEPHEO"** e temaneng ea 2. Temaneng ea 5, o boetse o ba bolella hore ba be le pelo ena. O sebelisa temana ea 3,4 ho hlalosa le ho hlakisa pelo ena (litemana tse latelang ea 5, li fana ka mohlala o hlakileng oa pelo ena). Temaneng ea 3, re fumana tlhakiso ea pelo ena. Temaneng ea 4, re fumana tlhaloso ea tlhakiso ena.

Notes

# BOITHUTO BA BIBELE I

Notes

—

3) Tlhakiso ea pelo ea Jesu temaneng ea 3:

- a) Ke pelo e sa etseng **“LETHO KA KHANG LE HA E LE KA BOITHORISO BA LEFELA.”**
- b) Ke pelo e **“LEKANYANG HORE BOHLE BA MOFETISA.”**

4) Tlhaloso ea tlhakiso ea pelo temaneng ea 4:

- a) Ha se pelo e ichelang bo eona feela. Ha e shebane le melemo e tlang ho eona feela. Pelo ea boikhabo, ke sera-seholo sa bongoe ba Bakreste. Ke motsoalle oa bohanyetsi bo khahlanong le Bakreste.
- b) Ke pelo e tsotellang litlhoko tsa batho ba bang, ebile e bona li le bohlokoa ho feta bo-eona. E bonts’a tsotello ea eona ho ba bang. Ke pelo e fang ba bang boemo ba pele (bala Bar 12:10; Bag 5:13; Bae 5:21; 1 Petr 5:5). Pelo ena ke motsoalle oa bongoe ba Bakreste. Ke sera sa bohanyetsi ba Bokreste.

5) Bala temana ea 3 hape. Pakeng tsa **“LE SE KE LA”** Paulosi o re fa **“TSELA EA HO BA LE PELO ENA.”** Ke ka **“BOIKOKOBETSO”** re ka bang le pelo ena. Hona ho bolela hore ha re ipeha **“BOEMONG BO TLAASE”**, ke hona re ka bonang bohlokoa ba batho ba bang. Sepheo le qetello ea pelo ena, ke ho ba le bongoe.

# BOITHUTO BA BIBELE I

6) Ithute sets'oants'o sena.

Notes

	Le se ke la	etsang
Tlhakiso (tem. 3)	Le se ke la etsa letho ka khang le ha e le ka boithoriso ba lefela	E mong le e mong ka boikokobetso, a lekanye hoba ba bang ba mofetisa
Tlhaloso (tem. 4)	E mong le e mong a se ke a sheba tseo e leng tsa hae feela	A mpe a hlokomele le tseo e leng tsa ba bang

## Potso ea Botoloki


Hantle **“PELO EE”** e ka bonahatsoa joang?

- 7) Paulosi o araba potso ena ka mantsoe a temana ea 5,6, hore pelo ena **“E NE E LE HO KRESTE JESU...”** ea entseng eng? Ha re araba potso ena, re tla tseba hore na pelo ena e ka bonahatsoa joang. Re ka bitsa hona mofuta oa pelo.
  - a) Ho hlobola bo-nna; ho tlohela litokelo tsa hau (tem. 6,7).
  - b) Boikokobetso (tem. 8a).
  - c) Kutlo le ketso (tem. 8b).
  - d) Lefu (tem. 8c).
- 8) Litemaneng tse tharo tse latelang, re bona mofuta oa pelo ka bophelo ba Krete. Mofuta oona o na le lintlha tse ‘ne.

# BOITHUTO BA BIBELE I

## Notes

9) Ithute sets'oants'o sena sa lintlha tse 'ne.



- a) Hopola hore Paulosi o entse kakaretso ea taba ena temaneng ea 3 ka lentsoe '**BOIKOKOBETSO**'. Hona ho bolela ho ipeha "boemong bo tlaase."
- b) Jesu o ile a tlohela litokelo tsa hae tsa bomolimo. O ile a fetoha ntho e boemong bo tlaase ba botho, a kokobela haholo.

### Potso ea Botoloki

Haeba Jesu e ile ea ba motho, na hoo ho bolela hore o ile a emisa ho ba Molimo ho hang?

- 10) Boela o shebe boithuto ba lentsoe-leng ba "sebopeho" le "ho itlhabolisa."
  - a) "Sebopeho" ke boiponahatso bo kantle ba bonnete le boleng ba se kahare.
  - b) "ho itlhabolisa" ke ho behella litokelo kapa melemo thoko.



# BOITHUTO BA BIBELE I

11) Jesu o ile a itlholisa **tokelo** ea hae ea ho bonahatsa Boleng ba Hae (Bomolimo ba hae). Ha a ka a hlobola **Bomolimo** ka bo-bona. Ha ka ba emisa ho ba Molimo. Empa seo a se entseng ke ho emisa sebopeho sa Molimo kantle, a bonahala ka sebopeho sa mohlanka (bala Johanne 17:5 le 2 Bakr 8:9).

a) Re thusoa ke lentsoe “boteng”.

b) O ntse a phela, a le teng le kajeno e ntse e le Molimo ho bonahatsa bomolimo ba hae, Jesu o ile a ikhethela ho ba mohlanka (a itlholisa). E ne ntse e le Molimo joalokaha lentsoe “boteng” le bonts’a.

## Potso ea Botoloki

Haeba Jesu a sa ka a emisa ho ba Molimo, na efela e ne e le Motho?

12) Re lokela ho boela re utloisise moelelo oa lentsoe “Sebopeho.” O ile a behella boiponahatso ba hae ba *kantle* thoko, eaba o amohela sebopeho se secha sa bokantle, e leng sa botho. Ka baka la tlhaloso ea lentsoe “sebopeho” (bonnete ba bokantle, ke ponahatso ea se kahare), Jesu e ne e le motho ka botlalo.

13) Hape, lentsoe “Sets’oano” (tem. 7c) le bonts’a hore e ne e se motho feela. O ne a le kaholimo ho botho leha le teng a ne a ts’oana le batho. Leha ho le joalo, o ne a na le chebahalo le sebopeho sa motho.

14) Qetellong, lentsoe “ho hlaha” (tem. 8) le bonts’a hore Jesu o fetile lintho tseo batho ba fetang ho tsona. O ne a le boemong bo ts’oanang.

a) **Sebopeho** – e bolela boiponahatso motho.

b) **Sets’oano** – e bonts’a boleng ba nama ba motho.

c) **Ho hlaha** – e bonts’a boitsbelo ba botho.

Notes

—

# BOITHUTO BA BIBELE I

## Notes

<p>E NE E LE MOTHO KA BOTLALO</p> <p>O inketse sebopeho sa botho kahoo, ke motho</p>	<p>EMPA E NE E SE MOTHO FEELA</p> <p>O ile a tlohela tokelo ea bomolimo</p>	<p>HOBANE E NE E LE MOLIMO, E NTSE E LE MOLIMO</p> <p>Ha a ka ba tlohela BOMOLIMO Ke tokelo feela ea ileng a e tlohela</p>
--	---	--

15) Bakeng sa ho utloisisa hona betere, sheba ho fetoha ha sebopeho. Hona ho tsoa lentsoeng la sekherike leo esaleng re bua ka lona, e leng sebopeho.

- a) Ho fetoha ha sebopeho sa Jesu thabeng (Math 17:2) e ne e le phetoho ea bokantle. E ne e le phetheho ea se ngoetsoeng ho Bafilipi 2. Ho Matheu 17, ho fetoha ha bokantle ke sesupo sa bomolimo (netefatso ea bomolimo ba Jesu). Ho Matheu 17:7,8, re bona phetoho e ngoe hape. Re bona boiponahatso ba Jesu e le motho.
- b) A ka fetohela boleng boo a bo rata kaha ke motho ebile ke Molimo ka botlalo. Boiponahatso bo ipapisa le boleng. Kahoo, Jesu a ka ba le limelo tse peli ka botlalo, leha kantle a bonahatsa se le seng.
- c) Mona hape re boetse re bona botebo ba **“PELO ENA.”** Ke pelo e ikemiselitseng ho tlohela *PONAHATSO* ea seo o leng sona kapa seo o nang le sona e be o nka sebopeho sa boemo bo tlaase. Elelloa hore ha e re o tlohela *SEO O LENG SONA*. Hona ke mokhoa o motle oa ho etsa tekano ea bosebeletsi ba boiponahatso/boitlhahiso. E boetse ke tsela e ntle e re thusang hore **re bone ba bang ba le betere hore feta.**

# BOITHUTO BA BIBELE I


## Potso ea Botoloki

Notes

Se hlalisoang ke ho ba le “PELO” ee ke eng?

- 16) Paulosi o fana ka karabo ea potso ena ka ts’ebeliso ea sehokela sena “**KA BAKA LEO**” temaneng ea 9. Phahamiso/tlotliso ke se beoang ke Pelo ena.

- a) Mona re na le molao oa Math 23:12 ka mokhoa o hlakileng. Se behoang ke boikokobetso ke phahamiso e kholo. Polelo “**PHAHAMISITSOE KA HO FETISISA**”, e na le moelelo o ts’oanang. Hona ho boetse ho hlalosoahaholoanyana temaneng tsa 9b-11.
- b) Ithute sets’oants’o sena.



- 17) Se behoang ke **PELO** ena ke phahamiso. Mokhoa oa ho fumana phahamiso ke boikokobetso. Sepheo ke ho tlotlisa Molimo. Lintho tsena li lokela ho hlalohangoa. Li ‘moho ka tsela ea hore mahlakore a fapaneng a ketsahalo e le ngoe a ‘moho. Leha ho le joalo, ha li ea ts’oanela ho kopangoa.

- a) Haeba boikokobetso e le sepheo, re ka ba kotsing ea boikokobetso ba bohata.
- b) Haeba ho tlotlisa Molimo ke mokhoa, ha ho le joalo re kotsing ea boitokafatso le pholoho ka mesebetsi.

# BOITHUTO BA BIBELE I

Notes —

c) Haeba phahamiso e ba mofuta, re kotsing ea Bokreste bo sa tebang metso.

d) Haeba boikokobetso e ba sephetho, ha ho le joalo re kotsing ea Bokreste.

18) Tekano ea lithuto tsa Bibe le Bokreste, li ipapisa le bokhoni ba tlhalohanyo le ts'ebeliso ea phapano e pakeng tsa mokhoa, sephetho, le sephetho.

a) mohlala, sefapano ke mokhoa oa evangeli. Tsoho ke sephetho sa evangeli.

b) Tsoho e ke ke ea ba mokhoa. Sefapano e ke ke ea ba sephetho

## Potso ea Botoloki

Na mohlala oa Paulosi ka Krete, o na le kamano ea qetello e itseng le Bafilipi?

19) E ho joalo, hona le kamano ea qetello e bonts'oang ka mantsoe ana **“KAHOO”**. Ka tsela e itseng, mohlala oa Krete o bilietsa Bafilipi ho **“SEBETSA”** (ho tsoellapele ho isa qetellong) **“POLOKEHO EA BONA KA TS'ABO LE KA THOTHOMELO.”**

## Potso ea Botoloki

Hobaneng Bafilipi ba lokela ho sebetsa polokeho ea bona ka ts'abo le ka thothomelo?

# BOITHUTO BA BIBELE I

20) Paulosi o fana ka karabo ea potso ena ka lentsoe “**HOBANE**” temaneg ea 13.

- a) Kaha Molimo a le ka ho bona. Ke mohloli le sephetho. Ke qalo le qetello.
- b) Ba lokela ho tlala ka thothomelo(ts’abo le thothomelo) malebana le taba ena ea semoea. Ba lokela ho tsoellapele e le mafiso ha Molimo eena a tla tsoelapele e le mohloli le momatlafatsi. (sheba 1:6).

21) Ka kutloisiso ena le kutloisiso ea hore bakeng sa Paulosi, bophelo ba Bokreste **KE** bophelo ba Krete (1:21; Gal 2:20), re ka khona ho utloisisa maikutlo a Paulosi.

- a) Mohlala o temaneng tsa 3-11, o ka holimo ho mohlala, hona ke hore, ha se mohlala feela.
- b) Ke tlhaloso ea se etsahetseng, se etsahalang, le se tla etsahala **HO BONA** ka ts’ebetso eo Molimo a e etsang maphelong e bona.

b. Kamahanyo.

- 1) Na u ka ipeha boemong bo tlaase ho sebeletsa motho e mong? Na u ka nka ba bang ba tla pele ho uena? Na u leka kamehla ho fumana sebaka sa pele moleng, kapa setulo se holimo kerekeng? Na ha u phele bophelo ba boloaloe? Na ha o ko bo re, “Ke tla ipona, le uena o shebane le tsa hau”? kapa na u ela lelapa la Molimo hloko ebile u phela o le karolo ea lapa leo?
- 2) Na u tiisa kamatla ho fumana seo o nahanang hore seo u loketse? Na u tlohela litokelo tsa hau molemong oa ba bang?

Notes

—

# BOITHUTO BA BIBELE I

Notes

## Mohlala oa Sengoli:

Mohlomong u fumane moputso oa hau kamor'a ho sebetsa ka thata lihora tse 50 tsa beke, empa na u ka tela tokelo ea ho nka moputso oo? Na u ka e tella ba bang? E, u fumane sebaka mahareng a batho kamor'a lilemo tse 10 tsa sekolo sa bongaka, empa na u ka tela boemo boo le leruo leo ho sebeletsa ka litsebo tsa hau ts'imong ea bo-mishsinari?

## Beha Mohlala oa hau

- 3) Na u bona bophelo ba Bokreste e le sephetho feela? Na u rata ho amohela tlholo feela? kapa na u oa utloisisa hore ho ka ba le mokhoa o tlisang sephetho, 'me hoo ho ka tla ha bohloko? Na u khona ho amohela sefapano?

# BOITHUTO BA BIBELE I

## 3. Temoho/Botoloki/Kamahanyo.

### a. Temoho le Botoloki.

- 1) Qetellong, Paulosi o khutlela litaeong le liqholotsong tsa hae temaneng ea 2:14-18. Khaeho/Tlhophiseho ea karolo ena e ts'oana ka botlalo le khaeho/tlhophiseho ea linoko tse peli tse fetileng ha li behiloe hammoho (sheba sets'oants'o sena)
  - a) Khothaletso ea boits'oaro ba bona.

### b) Mohlala.

1:27-2:13	2:14-18
1) BOITS'OARO a) bongoe b) emang ka matla khahlanong le bahanyetsi  2) MOHLALA a) Jesu b) Kamahanyo le bona	1) BOITS'OARO a) "ho se khang le boithoriso ba lefela" b) "kahare ho; le ntse le ts'oarelletse"  2) MOHLALA a) Paulosi: "le ha nka" b) "le lona"

### Potso ea Botoloki

Hobaneng Bafilipi ba lokela "ho etsa tsohle ho se khang le boithoriso ba lefela"?

- 2) Paulosi o fana ka mabaka a mabeli. O hlahisa karabo ka lebaka la pele ka lentsoe "**HORE**" temaneng ea 15. O hlahisa lebaka la bobeli ka mantsoe; "**E LE HORE**" temaneng ea 16.
  - a) "**HORE**" ba tle ba boloke bopaki ba bona bo hloekile ebile bo le matla. E le hore ba tle ba bonoe e le bana ba Molimo ba hloekileng ba senang letheba (ba sa tsoakanyeng tumelo, ebile ba itolobelitse ka botlalo). Ba na le boikarabello ba ho boloka seriti se setle sa boleng ba bona.
  - b) "**E LE HORE**" mosebetsi oa Paulosi ho bona, e se be lefeela. Ba na le boikarabello ba ho boloka tseo ba li filoeng tsa evangeli.

Notes

# BOITHUTO BA BIBELE I

## Notes —

- 3) Re tlameha ho sheba temana ea 17, 18 re ipapisitse le ts'ebeliso e akaretsang ea eona. Paulosi o itlhobolisa joalokaha Krete a ile a etsa. Sepheo ke hore Bafilipi le bona ba etse ho ts'oanang. Hona ho ts'oana le ntlha e temaneng ea 12, 13.
- 4) Re tlameha ho boela re e sheba re ipapisitse le ts'ebeliso ea bo-Haufi ea eona, moo e sebelisitsoeng e le qholotso le taao ea ho se ingamangame. Haeba Paulosi ea neng a ka 'na a bolaeloa mosebetsi oa hae ho Krete a ne a ithabela, ke hakakaang Bafilipi, ba neng ba se boemong, boo ba neng ba lokela ho thaba?

### b. Kamahanyo.

- 1) Na u ts'oarella bongoeng? Na u qoba lipelaelo le likhang bakeng sa bopaki ba evangeli? Bophelong ba hau, na bopaki ba evangeli bo bohlokoa ho feta likhang, likhanyetso le ho se khotsofale ha hau?
- 2) Na u utloa mokoloto malebana le tseo o li filoeng tsa evangeli? Na u utloa u na le mojaro le boikarabello ho batho ba ileng ba kopana le mats'oenyeho bakeng sa hore uena o fumane Krete?

## D. Lethathamo le Lintlha tsa Khaeho le Tlhophiseho Karolong ea #4.

### 1. Its'oareng ka “MOKHOA” (1:27-30).

#### a. Sepheo sa “MOKHOA” (tem. 27a).

#### b. Tlhaloso ea “MOKHOA” (tem. 27b, 28).

- 1) Emang le tiile bongoeng (tem. 27b-27c).
- 2) Emang le tiile khahlanong le bahanyetsi (tem. 27, 28).

#### c. Tlhakiso ea “MOKHOA” (tem. 29, 30).

- 1) Ba tlameha ho lumela ho Krete (tem. 29b).
- 2) Ba tlameha ho kopana le mats'oenyeho bakeng sa Krete (tem. 29c-30).



# BOITHUTO BA BIBELE I

- d. Qholotso ea ho bonahatsa **“MOKHOA”** 2:1-4).
  - 1) Haeba le na le eona (tem. 1).
  - 2) Kahoo he, etsang (tem. 2).
- 2. E bang le **“PELO”** ea Krete (2:3-13).
  - a. Tlhaloso ea **“PELO”** (tem. 3, 4).
  - b. E bang le **“PELO”** ena(tem. 5).
  - c. Tlhahiso (mohlala, ts’oants’iso) ea **“PELO”** (tem. 6-11).
    - 1) Mokhoa (tem. 6-8).
      - a) Ho hlobola litokelo (tem. 6, 7).
      - b) Boikokobetso (tem. 8a).
      - c) Kutlo le ketso (tem. 8b).
      - d) Ho shoa (tem. 8c).
    - 2) Sehlahisoa/se behoang (tem. 9-11).
      - a) Phahamiso (tem. 9a).
      - b) Lebitso le ka holimo ho oohle (tem. 9b).
        - (1) Sehlahisoa se hlakileng: mangole a tla khumama (tem. 10).
        - (2) Sehlahisoa se hlakileng: maleme a tla bolela (tem. 11).
    - 3) Qetello (tem. 12, 13).
      - a) Sebetsang polokeho ea lona ka ts’abo le ka thothomelo (tem. 12).
      - b) Lebaka la ts’abo: ts’abo le tlhomphe ea Molimo ka ho rona (tem. 13).

Notes

—

# BOITHUTO BA BIBELE I

## Notes

3. Se entseng tsohle ka khang le ka boithoriso ba lefela (tem. 14-18).
  - a. Li-pheo (tem. 15, 16).
    - 1) Molemong oa bopaki ba bona (tem. 15).
    - 2) E le hore mosebetsi oa Paulosi o se fetohe lefela (tem. 16).
  - b. Mohlala oa Paulosi (tem. 17).
  - c. Qetello e malebana le Bafilipi (tem. 18).

### Maikutlo a Sengoli:

O sebelisa lethathamo la lintlha, qholotsa baithuti ho fumana kamano pakeng tsa likarolo (tsoelopele, kakaretso, mohlala, sepheo, tlhaloso, tlhakiso, nts'etso-pele, qetello, tatellano, mokhoa, mohloli le phetoho, kotlollo).

### E. Qetello ea Karolo ea #4.

1. Polelo e akaretsang. Ka baka la kutloisiso ea mohlala o moholo oa Jesu Krete le kutloisiso ea Jesu Krete ka ho rona, re lokela ho its'oara ka tsela e ts'oanelang evangeli.
2. Ntlha-kholo. Litaeo le liqholotso.